

سنه لکي در سعادت ايچون مجيده
يکرمي غروش حسابيله التمش
غروشدر

طشره ايچون پوسته اجرتي اوله رق
اون بش غروش ضم اولنور

نسخه سی ۴۰ پاره در

فکر دیکه محاکمه علییه

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه یه متعلقدر

تجربیات

سیروز سنجانی بدایت محکمه سی جزا دائره سی
ریاستی دکرلی سنجانی بدایت محکمه سی مدعی عمومی
معاونی عزتو شا کر بکه

دکرلی سنجانی بدایت محکمه سی مدعی عمومی
معانلیکی زور سنجانی بدایت محکمه سی مدعی عمومی
معاونلکندن مستعفی حاجی وهی افندی یه

ارکری سنجانی بدایت محکمه سی جزا دائره سی
ریاستی توقاد سنجانی بدایت محکمه سی مدعی عمومی
معاونی فتوتلو مصطفی هاشم افندی یه

توقاد سنجانی بدایت محکمه سی مدعی عمومی
معاونلکی کوتاهیه سنجانی بدایت محکمه سی مدعی عمومی
عمومی معاونی شوقی افندی یه

کوتاهیه سنجانی بدایت محکمه سی مدعی عمومی
معاونلکی مکتب حقوق شاهانه مأذونلرندن خلیل
بکه

بصره ولایتی مرکز بدایت محکمه سی جزا دائره سی
ریاستی عکا سنجانی بدایت محکمه سی جزا دائره سی
ریاستندن مستعفی راغب بکه

اطنه ولایتی مرکز تجارت محکمه سی ریاستی مناستر
ولایتی مرکز تجارت محکمه سی رئیس فتوتلو عاصم
افندی یه

مناستر ولایتی مرکز تجارت محکمه سی ریاستی اطنه
ولایتی مرکز تجارت محکمه سی رئیس اسبق پرودرو موس
افندی یه

اسکیشهر قضاسی تجارت محکمه سی ریاستی هرکیت
جزیره سی بدایت محکمه سی رئیس پترکی افندی یه

طرنوه قضاسی بدایت محکمه سی جزا دائره سی
ریاستی داری دره قضاسی بدایت محکمه سی جزا دائره سی
سی رئیس علی کمال افندی یه

داری دره قضاسی بدایت محکمه سی جزا دائره سی
ریاستی قسطنطونی ولایتی استیناف محکمه سی باش کاتبی
سلیمان افندی یه

یکی واروش قضاسی بدایت محکمه سی جزا دائره سی

ریاستی جسر مصطفی پاشا قضاسی بدایت محکمه سی
مدعی عمومی معاونی محمد راشد افندی یه

جسر مصطفی پاشا قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن
عثمان ذکی افندی یه

طرنوه قضاسی بدایت محکمه سی مدعی عمومی
معاونلکی ماط قضاسی بدایت محکمه سی مدعی عمومی
عمومی معاونی صلاح الدین افندی یه تقویض بیورلمش

ومومی الیهمدن خلیل و راغب بکیر ایله علی کمال
وعثمان ذکی افندیلرندن ماعداسنک مأموریت سابقه لرینه
حین تعیینلرنده امر تحلیف لری اجرا قلنمش اولدینی

کبی بونلرکده علی الاصول تحلیف لرینک اجرایی
دردست بولنمشدر .

آیدین و جزایر بحر سفید ولایتلری عدلیه مفتشی
سعادتلو غالب بک افندی حضر تلرینه ترفیعا رتبه
اولی صنف اولی

سوریه ولایتی استیناف محکمه سی مدعی عمومی
عزتو احمد نظیف افندی یه ترفیعا رتبه ثانیه صنف
ثانیسی توجیه بیورلمشدر .

تبلیغات

کلیدولی سنجانی زراعت بانک سنه مدیون اولان
شادلی قریه لی شفیق نام کیسه نك تسویه دینی ایچون
لواء مزبور بدایت محکمه سی اجرا دائره سنجیه موقع
مزایده یه قونیان املاک مرهونه سنک مذکور بانک
عهده سنده تقرر ایش ایش ایکن بریجق سنه صکره یدی
یوز غروش ضم ایله ظهور ایدن مشتریسی عهده سنه
تکرار مزایده ایدلمکسزین غبن فاحش درجه سنده
نقصان قیمتله احاله اولندیغندن بحثله استفسار معامله یه
دائر امور حقوقیه مدیریتندن اعطا قلنان مذکره
اوزرینه ایجاب کیفیت انجمن عدلیه جه لدی التذکر
ذکر اولنان املاک مرهونه نك بالآخره ظهور ایدن
مشتریسی عهده سنه احاله قطعیه سی اجرا و بدل

مزایده دن مزبور شفیق بانک شعبه سنه اولان دینی
تسویه اولدینی کبی سندرسیمسینک دخی تنظیم واعطا
ایتدیرلدیکی اوراق ملفوفه مندرجاتندن منقهم اولمش
ومعاملات تنفیذیه نك بر منوال محرر تکمل ایدرک
املاک مذکور الیوم مشتری مرقومک باسند رسمی
ید تصرفده اولسنه نظراً دائره مذکور جه تعدیل
وتصحیح معامله یه امکان قانونی قالماش اولدیغندن
اشتکا عن الحکام طریقله تضمین ضرر اداسنده بولنق
حق و صلاحیتی محفوظ اولمق اوزره مرقوم شفیق
ایستدیکي حلاله ذی الیدی علیهنده دخی محکمه عانده سنه
مراجعتله اقامه دعوی ایده بیله جکنک کندوسنه
تفهیمی افاده اولنمشدر .

محاکمات و مقدمات

در سعادت استیناف مدعی عمر بیلکندنه :

زیفجه رسومات تحری مأموری ایکن
اوروپایه فرار ایتدیکي ادعاسیله مظنون علیه
اولان خیرینک اصول محاکمات جزایه قانوننک
مواد مخصوصه سی احکامنه توفیقاً در سعادت
جنایت محکمه سنده محاکمه سی اجرا قلنق
اوزره عسکری جزا قانوننامه هایوننک یوز
اوتوز ایکنجی ماده سی موجب جنایتله اتهامه
قرار ویرلدیکندن متهم مرقومک هر زرده
کوریلورسه طوتیلوب محکمه مذکور تو-
قیفخانه سنه تسلیمی لازم کله جکی بالجمله ضابطه
عدلیه مأمورلرینک معلومی اولمق اوزره اشبو
اخذ و گرفت مذکره سی در سعادت هیئت
اتهامیه سندن تنظیم واعطا قلندی .

مارغیاجلی ملازینله قتل قصدیه سلاح استعمال اتملرندن دولای جنایتله اتهام اولنان رنجبر حسین وژاندارمه افرادندن صالحک اوچر سنه مدتلرله کورکه قوتلرینه دأر پروزه سنجای بدایت محکمه سی جزا دأره سندن ویریلان ۱۷۶ نومروی اعلام نشر اتمک اوزره نزدنده اوراق مضره حفظ ایلدیکی ادعا اولمسنندن دولای جنایتله اتهام اولنان اوخری قصبه سنده ساکن داسقال خرستو نام دیگر روله دیمترینک بش سنه قلعه بند ایدلمسنه دأر مناستر ولایتی استیناف محکمه سی جزا دأره سندن ویریلان ۸۴ نومروی اعلام کوبرلی قضاسنک وینچان قریه سندن صالح بن حسنک کیفیت قتلندن دولای جنایتله اتهام اولنان علی بن امین ایله اوغلی قدیرینک اون بشر سنه مدتلرله کورکه قوتلرینه دأر قوصوه ولایتی استیناف محکمه سی جزا دأره سندن ویریلان ۹۵ نومروی اعلام

چرخه جی احمد قتل قصدیه سلاح استعمال اتمسندن دولای جنایتله اتهام اولنان صغیر بن عباسک اوچر سنه مدتلرله کورکه قوتلرینه دأر دیوانه سنجای بدایت محکمه سی جزا دأره سندن ویریلان ۲۴۲ نومروی اعلام

اوچک اوغلی یوسف بن عثمانی جرح وتعطیل عضوینه سبیت ویرمسندن دولای جنایتله اتهام اولنان محمد بن ابراهیمک اوچر سنه مدتلرله کورکه قوتلرینه دأر ملاطیه سنجای بدایت محکمه سی جزا دأره سندن ویریلان ۴۳۶ نومروی اعلام

عونیلی یوسف بن محمدک اموالی غصب وعایشه بی جرح ایلرندن دولای جنایتله اتهام اولنان حاجی حسن بن سلیمان و محمد بن یوسفک اوچر سنه مدتلرله کورکه قوتلرینه دأر ماردین سنجای بدایت محکمه سی جزا دأره سندن ویریلان ۱۳ نومروی اعلام

عیناب قضای اهالیسندن حسن بن بکرک زوجه سی قتل ایلدیکی ادعا اولمسنندن دولای جنایتله اتهام ایدیلان منوره نک اوکی اوغلی حسینک اون بش سنه مدتلرله کورکه قوتلرینه دأر حلب ولایتی استیناف محکمه سی جزا دأره سندن ویریلان ۲۶۰ نومروی اعلام

قهوه جی حاجی محمد وسأرنک دکانندن اشیا سرقت اتملرندن دولای جنایتله اتهام اولنان شاشو محمدک اوچر سنه مدتلرله کورکه قوتلرینه ورفیق محمد علینک صغر سنی حبسیله اویونه تسلیمه دأر اوزره سنجای بدایت محکمه سی جزا دأره سندن ویریلان ۸ نومروی اعلام قزازه قریه لی محمد بن حسین الصرعای بی قتل ایتمسندن دولای جنایتله اتهام اولنان عوضه بن

خلیلک اون بش سنه مدتلرله کورکه قوتلرینه دأر قدس شریف سنجای بدایت محکمه سی جزا دأره سندن ویریلان ۷۴۴ نومروی اعلام محکمه تمیز جزا دأره سنجیه تصدیق اولمشدر .

۲۶۰ نومروی نسخده مندرج درسمادت جنایت محکمه سی اعلامنک مابعدی :

دیگر شاهد شیهده بی کوی یوقاری محله سنده مقیم یکریمی درت یا شنده پازارجی قره دوداق اوغلی یانی ولد نیقولی میخانه ده اوطورمه قده ایکن یوان کلوب عشرت ایتدکری و مرقوم یوان ساقه سکرایله وروولورنی چیقاروب بش ال انداخت ایلش ایهده کیسه به اصابت ایلدیکی ویرمدت صکره انسطاش کلوب برراقی ایچوب کیتیمی عقینده یوان انسطاش حقهده سوز سولیکله آپوستول عبیدر ارفه سندن سوزسولیه نه ایچون یوزینه قارشو سولیک دیکده یوان انسطاشه سولیکله نه سوکیورسک ؟ دیرک آپوستولک یوانه برطوقات اوردیغنی یوانکده شمعی کوزرایشیدیرسکر دیرک میخانه دن چیققدن یارم ساعت صکره طیاریدن برتقک باطلامغله آپوستولک اولدم دیدیکی ویا شندن قان جریان ایتدیکی حالد دوشدیکنی فقط سلاحی آتانی کورمدیکنی و شهادتی حضور محکمه ده کی یانی و آپوستوله عائد ایدوکنی تذکار ایلدی .

دیگر شاهد شیهده بی کوی یوقاری محله سنده ساکن یکریمی بش یا شنده طاشجی اوغلی قصاب دیمتری ولد خرملبو لایقوله لسان ترکی به آشنا اولمیدنی جهته بعد التحلیف لسان ترجمانی تعیین قلنان سرکه جیده ساکن قوتدیره جی یکریمی بش یا شنده صوتیری ولد ولد خوادوری واسطه سیله استماع اولدقدنه یانینک میخانه سنده کیتدیکنده مته یوانک راقی ایچمکده اولمیدنی کوردیکنی و اخیراً انسطاش ایله رفیقاریده کلوب راقی ایچوب کیتدکری معقب یوان انسطاشه کفر ایتکله آپوستول نه به کفر ایدبورسک ؟ دیرک یکدیگره برایی لقردی سولیدکرنده آپوستول یوانه برطوقات اورمغله یوان کوبک قبادایی سیمسک و شمعی کوررسک دیرک چیقوب کیتدکن یارم ساعت صکره طیاریدن برسلاح باطلادیغنی عقینده آپوستول اولدم دیرک دوشدیکنی و شهادتی حضور محکمه ده کی یوان و آپوستوله راجع ایدوکنی اتیان ایلدی .

شاهدلرک افاداتی ختام بولدقه ذات و شهادتیرنه نه دیه جکی مته یوان ومظنون علیه آپوستولدن صور لدقه دیه جکلری اولمیدنی سولیدیلر .

استماع اولنان شاهدلرک مواجه لری اجرا و آپوستولک شخص آخرله خصومتی اولوب اولمیدنی

جهتی استیضاح واستنبا ایدلکده آپوستولک کیسه ایله خصومتی اولمیدنی و بیلدکری سولیدکری درمیان ایلدیلر . شیهه قضای مدعی عمومی معاوینکی وکالتندن کوندریلان روولور متهه و شاهدلرله ارا نه اولدقدنه متهه روولور کندوسنک ایدوکنی و شاهدلرله متهه یوانک روولوری ایدوکنی سولیدیلر .

دعوت واقعه به اجابت ایتیان قره بیق اوغلی دیمتری ایله مصارف سفریه و ضروریه طلبنده یولنان شاهدلر حقهده کی مطالعه سی معاون مومی الیهدن صورلدقه شاهد دیمتریدن جزای نقدی برای اخذ احضار مذکره سی تسطیری واستماع اولنان شهودک مصارف سفریه لرینک تقدیری لازم کله جکنی بیسان ایتکله بالذاکره شاهد دیمتریدن یارم آلتون جزای نقدی اخذ اولغنی اوزره احضاریه واستماع اولنان اوچر نفر ادعا شهودنک هر بری ایچون مصارف ضروریه وسفریه اوله رق تقدیر ایدیلان قرقغر وشدن یوز یکریمی غروشک شمکیلک محل تحصیلی مفقود ایدوکنندن ایلروده حقمیز جیهه جی طرفه عائد اولغی اوزره عدلیه وزنه سندن اعطاسنه متفقاً قرار ویریله رک و اظهار حقنه مدار اولغی اوزره جانب ریاستنده یانی واستاورینک جایی تاسیب ایدیلرک محاکمه نک یوم آخره تعلیق ایلدیکی طرفته تفهیم قلوب تموزک سکرنجی صالی کونی متهه یوان توفیقخاندن کتور دیرلرک وکیل آرین زلیحان افندی ومظنون علیه آپوستول واوراق دعوائی مطالعه ایدن استیناف مدعی عمومی کی باش معاونی سعادتو حیدرک افندی حاضر اولدقلری حالد محاکمه صالونه چیقیه رق محاکمه علنیه اجراسنه مداومته هیئتجه قسماً تبدل وقوعه منی ضبط سابق قرائت و مندرجاتی طرفته تصدیق ایتدیرلدی .

محاکمه سابقه ده عدم ورودیه منی احضار ایدیلان ادعا شهادی شیهده بی کوی یوقاری محله سنده مقیم دکرمانجی اوتوز طقوز یا شنده قره بیق اوغلی دیمتری ولد یوانک طرفته عداوت و قربات و مناسبتی اولمیدنی اکلایشله رق اصولی وجهله امر تحلیفی بالاجرا استماع اولندقدنه برکیجه یانینک میخانه سنده ایکن قوسوز اوغلی انسطاش ایکی رفیقیه کلوب راقی ایچره رک کیتدکرن صکره متهه یوان انسطاشه کفر ایتکله آپوستوله او آدمک آرقه سندن نه سوکیورسک ؟ دیدیکنده اکاده کفر ایتدیکندن انکده متهه یوانه برطوقات اورمی عقینده یوان باقی شدی کوررسک نه اولور دیوب میخانه دن چیققدن برچاریک ساعت صکره طیاریدن برسلاح باطلادیغنی وینچره نک اوکنده یولنان آپوستول اولدم دیو دوشدیکنی ویا شندن دم جریان ایتدیکنی بادلدی السؤل آپوستولک

بشقه کیسه ایله منازعه و خصومتی اولمیدنی و شهادتینک یوان و آپوستول حقهده ایدوکنی ایراد ایلدی . بوشاهدک ذات و شهادته نه دیه جکی صوریلان یوان و آپوستول دیه جکلری اولمیدنی سولیدیلر . (مابعدی کله جک نسخه به)

اوچیز اون طقوز سنه سی تشرین اولنک اون اوچنجی بازار ایرتسی کیجه سی ساعت ایکی راده لرنده حکم اوغلی علی پاشا جوارنده چقور بستانده کرد ابراهیمی جرح و قتل ایلدیکی ادعا سیله متهه یوان بیاض حسنک اجرا قلنان محاکمه علنیه سی نتیجه سنده مرقومک فعل مدعا به جراتی شهادت و معاینه راپوری مندرجاتی ودلائل و امارات سائر ایله ثابت اولمیدندن اول وجهله مجرمته وقانون جزانک یوز یتیش دردنجی ماده سنک فقره اولاسنه توفیقاً اون بش سنه مدتلرله کورکه قوتلرینه ۵ نیشان سنه ۳۲۰ تاریخنده محکمه جنایتجه قرار ویرلمشدر .

انکلتزه دولتی تبعه سندن آنجلونک تفوهسات ناجیاده بولمیدنی ثابت اولمیدندن برائته طناشک یورکی بی ضرب ایتدیکی ثابت اولمیدندن برائته

غلانینک انسطاشی ضرب ایلدیکی ثابت اوله مدیدندن برائته

حسینک بر محمد افندی بی ضرب ایلدیکی ثابت اولمیدندن برائته

امینی سوء استعمال ایلدیکی ادعا قلنان مظفرک فعل مذکور جراتی ثابت اولمیدندن برائته طاهر ، عثمان ، محمد ، بنه و ذلیخانک مضارب ایلدکری ثابت اولمیدندن برائته

حسین چاوشله قهوه جی خضرک یکدیگرنی ضرب ایلدکری ثابت اولمیدندن برائته ژاندارمه علی اغانک حق دخولی اولمیدنی حالد صوتیرینک قهوه خانه سنده کیردیکنی ثابت اولمیدندن برائته

سلیمان افندینک رفعت افندی بی جرح ایلدیکی ثابت اولمیدندن اوچر آئی حبسنه محمد علی افندی بی ضرب و جرح ایلدیکی ثابت اولان عزیزدن برلیرا آله رق مضروب اعطاسنه علینک نوری بی ضرب و جرح ایلدیکی ثابت اولمیدندن یکریمی کون حبسنه

حسنک نوری افندی به شهر سلاح ایلدیکی ثابت اولمیدندن برهفته حبسنه تنیه مخالف حرکت ایدن طویخانه ده قره باش محله سنده ساکن رشیدن بش بلاک جزای نقدی اخذینه

تیکه قپوسنده کی فرونده مستخدم کروه نک حق ناردن فضله سیله نان عزیز فروخت ایلدیکی ثابت اولمیدندن اوچر آئی حبسنه و کندوسندن اوچر مجیدیه جزای نقدی آلمسنه

چاوش علی افندینک نیقولی بی ضرب ایلدیکی ثابت اولمیدندن برهفته حبسنه خیری افندی به اطاله لسان ایدن اسکدارده ساکن توتنجی اساعیل اغادن یارم ایرا جزای نقدی اخذینه

حیدرپاشاده شمندوفر استاسیونی انبارینه سرقت قصدیه کیردیکنی واسباب مانعه خیالیتله فعل سرقتی قوه دن فعله ایصال ایدمیدیکنی اصولاً ثابت اولان رجبک آلی آئی حبسنه

محله آره سنده سلاح آتدنی ثابت اولان اردن کوبلی باغچوان تیزدن بش بلاک جزای نقدی اخذینه ویکریمی درت ساعت حبسنه

کاظم اغانی ضرب و مرقومه اطاله لسان ایلدیکی ثابت اولان لطفی افندینک زوجمه سی بیکناز خاندن ایکی ایرا اخذیه کاظم اغایه ویرلمسنه

عایشه خانمک شاهسنه خانم اطاله لسان ایتدیکی ثابت اولمیدندن مرقومه دن یارم آلتون جزای نقدی اخذینه

دیمتری بی ضرب و اموال منقوله سنده ایراث خسار ایدن استاوروزده ساکن عبدالقادرک برهفته حبسنه درسمادت ، بک اوغلی واسکدار بدایت محکمه لری جزا دأره لرجه قرار ویرلمشدر .

معاملات اندباهیه

ملاطیه سنجای بدایت محکمه سی اعضاسندن سعادلین وقره بت اقدیلرک اخذ رشوتله وظیفه مأموریتلری سوء استعمال ایلدکری معموره العزیز و دیار بکر ولایتلری عدلیه مفتشکتنجه اجرا قلنان تحقیقاتی حای اوراق ماللرندن مستبان اوله رق بوباده علاقه دار اولدقلری اکلایشله جق اشخاص حقارنده دخی تعقیبات قانونیه اجرا ایدلک اوزره اعضای مومی الیه مانک محاکمه آتته آلملرینه عدلیه نظارت جلیله سندن مأذونیت اعطا واولوجهله محله تبلیغات مقتضیه اجرا ایدلمشدر .

اعلانات

درسمادت منابت محکمه سنده :

اوچیز اون آلی سنه سی تموزی اواخرنده

کوکصوده مختار ثانی جمال اغانک قهوه خانه سی اوکنده کی اوطه ده بیتوت و قوجولق ایله خدمت ایدن بارلی عمرک کیفیت غیوبتسندن طولانی متهه اولوب حال فراده یولنان و مرقومه برانکده اقامت ایلش اولان بارلی فراری سلیمان دردست ایدیه ماش اولمیدندن تاریخندن اعتباراً جانب ریاستدن کندوسنه مجدداً اون کون مهل اعطا قلمشدر . مهل معین ظرفنده مرقوم کلیدیکی حالد قانونه اطاعت ایتماش نظریله باقیله رق حقوق مدنی دن اسقاط قلنه جنی وعلینده دعوا به قیام ایدیه جکی و بوسره ده برکونه ادعایه حتی اوله میه جنی و اموالنک حیز آتته آلمه جنی و بالجله ضابطه عدلیه مأمورلرینک کندوسنی طومغه مجبور بولندقلری کی معاملات جزیه حقهده دخی مدعی عمومیله تبلیغات مقتضیه اجرا قلدیغنی جهته اصول محاکمت جزائییه قانوننک اوچیز یتیش رنجی و اوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولور .

درسمادت منابت محکمه سنده :

اوچیز اون سکر سنه سی مارتینک اوئنجی بازار کونی اقشامی بک اوغلنده قابونجی قولانی جاده سنده یاقونبی جرح و قتل ایتدیکی ادعا سیله متهه اولان غلطه ده قفسجی زقاغنده مقیم ایکن فرار ایدن قصه بویلی شیشانجه اسمر بکرلی سیاه بیق و قاشلی وسیاه قیورجق صاجلی کفالونیه لی اسپرواندواتو دردست ایدیه ماش اولمیدندن تاریخندن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفنده کلیدیکی حالد قانونه اطاعت ایتماش نظریله باقیله رق حقوق مدنی دن اسقاط قلنه جنی وعلینده دعوا به قیام ایدیه جکی و برکونه ادعایه حتی اوله میه جنی و محاکمه غیایه سی انشاده اموالنک حیز آتته آلمه جنی و بولمیدنی محلی بیلدرک خبر و برمه و بالجله ضابطه عدلیه مأمورلرینک کندوسنی طومغه مجبور بولندقلری امری اعطا واملایکی حیز اولغنی اوزره مدعی عمومیله تبلیغات مقتضیه ایشا ایلدیکی جهته اصول محاکمت جزائییه قانوننک اوچیز یتیش رنجی و اوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولور .

نجات بحیه محکمه سنده :

استانبولده چقور خاندن مقیم یازمه جی آرین بغدادساربانک ۱۰ نیشان سنه ۳۲۰ تاریخندن اعتباراً اعلان افلاسنه و مصالح افلاسیله نک رؤیت وتسویه سی

ضمننده اعضاي محكمه دن عزتو مارقار افنديك
ژور قوميسر ودعوى وكيللرندن ميساق طروسيان
افنديك موقت سنيك تعيينلرينه ومغازه سيله اشياى
زائده بيتيه سنيك تمهيري نه واوراق ودفاترينك جلبه
وكفالت ارانه ايده مز ايسه حبس وتوقيفه وبوبابده كي
قرارك موقه اجراسنه محكمه تجارت بحريه جه قرار
ويرلش اولديغندن قانوننامه تجارتك ۱۷۰ نجى ماده سى
موجبجه دائمي سنيكلكر انتخاب اولنق اوزره (۲۶)
نيسان سنه ۳۲۰) بازار ايرتسى كوني ساعت يدى
راده لرنده اصحاب مطلوبك محكمه مذ كوره نك افلاس
اوطه سنه كللى اعلان اولنور .

ايكنجى تجارت محكمه سنده :

در سعادتده باغچه قپوسنده قاضيسكر خائنده ۲۱
و ۲۲، ۲۳ نومرولى اوطه لرنده مقيم تجار دن ولدزاده
حاجى جمال افنديك ۴ كانون اول سنه ۳۱۹ تاريخندن
اعتباراً اعلان افلاسنه ومصالح افلاسيه نك رؤيت
وتسويه سى ضمننده اعضاي محكمه دن سعادتو
رضا بكك ژور قوميسر ودعوى وكيللرندن واسيل
قوميتوس افنديك موقت سنيك تعيينلرينه ومغازه
سنده موجود امتعه تجاريه سيله برابر اشياى زائده
بيتيه سنيك تمهيري نه واوراق ودفاترينك جلبه وكفالت
مصدقه اعطا ايده مديكى تقديرده حبس وتوقيفه
وبوبابده كي قرارك موقه اجراسنه ايكنجى تجارت
محكمه سندن قرار ويرلش اولديغندن قانوننامه تجارتك
۱۷۰ نجى ماده سى موجبجه دائمي سنيكلكر انتخاب
اولنق اوزره اشبو بيك اوچيوز يكرمى سنه سى شهر
نيسانك يكرمى دردننجى جمعه ايرتسى كوني ساعت
يدى راده لرنده اصحاب مطلوبك محكمه مذ كوره نك
افلاس اوطه سنه كللى اعلان اولنور .

ردوس تجارت محكمه سنده :

ردوسه تيمور وكراسته تجارتيه مشغول ايكن
ردوس تجارت محكمه سندن افلاسنه حكم اولنمش اولان
يوركى قاليقانونسك خصوصات افلاسيه سنيك رؤيت
وتسويه سى ضمننده محكمه باش كاتى نوري ودعوى
وكيللرندن نيقولايكي موطافى افنديلر اصالة سنيك
تعيين قلمش اولدقلرندن مفلس مرقوم ذمتنده آلاجنى
اولانلرك قانوننامه تجارتك ۱۹۹ و ۲۰۰ نجى
ماده لرى موجبجه تحقيق ديون ايچون تاريخ اعلاندن
اعتباراً يكرمى بركون ظرفنده سنداتى محكمه كاتبه
تسليم ايللىرى ومدت مذ كوره ختامندن صكره اوچ
كونده يعنى اوچيوز يكرمى سنه سى مائيسنك برنجى
جمعه ايرتسى وايكنجى بازار واوچنجى بازار ايرتسى

كونلرى محكمه مذ كوره نك افلاس اوطه سنه كلهرك
سنيك افنديلر مواجهه سنده آلاجلرينى اثبات وقيد
وتصديق ايتديرملرى ومدت مذ كوره نك اثبات وجود
ايدمى آلاجلر حقه قنده قانون مذ كورك ۲۰۰ نجى
ماده سنه توفيقاً ايفاي معامله اولنه جنى اعلان اولنور .

در سعادت تجارت محكمه سى اجرا دائره سنده :

موسى كاظم افنديك نيشلى سالم افندى ذمتنده
ايكنجى محكمه تجارت اعلاميله محكوم به مطلوبى اولان
مبالغك تأمين تسويه سى ضمننده محجوز بولنان چوراب
اعماله مخصوص ايكنى عدد ماكنه ايله يوز قرق قيه
مقدارى الوان مختلفه ده يوك وكتان چوراب ايللكى
تاريخ اعلاندن اعتباراً اوچ كون صكره يعنى نيسانك
اون يدنجى جمعه ايرتسى كوني زندان قپوسنده ايللكيجيلر
چارشوسنده مأمورى معرفتيله بالمزايده فروخت
اولنه جفندن اشتراسنه طالب اولانلرك يوم مذ كورده
ساعت آلتیده محل مزبورده حاضر بولنلرى محكمه
تجارت اجرا دائره سندن اعلان اولنور .

اسرائل حورانك بخور ولدازار ذمتنده ايكنجى
محكمه تجارت اعلاميله محكوم به الاجنى اولان اچقنك
تأمين استيفاسيچون مديون مرقومك محجوز بولنان
بصمه وامثالى اموالك فروختى مقرر بولنش اولديغندن
اموال محجوزه مذ كوره تاريخ اعلاندن اعتباراً اوچ
كون صكره يعنى نيسانك اون طقوزنجى بازار ايرتسى
كونى ساعت دردن التى به قدر يكي جامه شريف جوارنده
اسماعيل پاشا خانى پيشكاهنده مأمورى مواجهه سنده
بالمزايده فروخت اولنه جفندن اشتراسنه طالب اولانلرك
يوم ووقت مزبورده محل مذ كورده حاضر بولنلرى
محكمه تجارت اجرا دائره سندن اعلان اولنور .

اسكدار بيات محكمه سى اجرا دائره سنده :

نورقر خانم ايله محمد عارف افندى ورثه سنيك متوفى
شيخ طلعتى افندى ورثه سى ذمتنده بااعلام مع قاض
آلاجلرى بولنان مبالغك تأمين استيفاسى ضمننده مرقوم
اولوب فروختى محكمه قرارى اقتضاسندن بولنان ورثه نك
متصرف اولدينى غلطه ده ساقز ليلر زقاغنده سورپ
لوساويريچ ارمنى كليساسى قارشوسنده برطرفى كراسته جى
مضطفى افنديك ايكنى باب خانه سى وديكر طرفى ميقاتل
آغويان افندى وبعضاً اماليا قادين وموسيو ديمستونى
وبرادرلى خانه لرى و طرف ديكرى روم كليساسى
وچيقيماز زقاق و طرف رابى طريق عام ايله محدود يكد
يكرينه متصل كار كير درت قات واوان اوطه واوچ صوفه
وبرحولى وبرمطبخ وتحميناً اون سكر ذراع باغچه ي

حاوى ايكنى نومرولى خانه وديكر درت قات كار كير
اوله رقى يدى اوطه واوچ صوفه وبرحولى وبرمطبخ
وبر صهرنجى حاوى درت نومرولى خانه وديكر
ينه كار كير اوله رقى درت قات يدى اوطه واوچ صوفه
وبرحولى وبر تراچه وبرمطبخ وبرقيو واوان ذراع
باغچه ي حاوى التى نومرولى خانه وديكر درت قات
التى اوطه واوچ صوفه وبر تراچه وبرحولى وبرفرنك
اوچاغى وبرقيوى حاوى كار كير اوله رقى سكر نومرولى
خانه كه جمعا درت باب خانه نك يوز يكرمى سهم اعتباريله
طقسان سهم حصه لرينك تاريخ اعلاندن اعتباراً اون بش
كون صكره بالمزايده اجرا قانونى احكامنه توفيقاً
فروخته مبادرت اولنه جنى اسكدار بدايت محكمه سى
اجرا دائره سندن اعلان اولنور .

قرتال قضاسى بيات محكمه سى اجرا دائره سنده :

قرتال قصبه سى ساكنلرندن اتمكجى استاورى
ولد خريستونك قصبه مذ كوره ده ساكن ويانه اوتلى
مستأجرى متوفى يوركى يوانيدىك تركه سندن تحصيل
اولنق اوزره متوفى مرقومك ورثه سندن ليوننجى
قسطنطينيه قرتال بدايت محكمه سندن استحصال
ايدوب كسب قطعت ايتش اولان برقطعه اعلام وجاهى
موجبجه مطلوبى اولان مبالغ محكوم بهانك
تأمين تسويه سى ضمننده مديون مرقومك استيفانى
ولديانى ايسپاريدن شراء متصرف اولوب تركه سندن
معدود ومحجوز بولنان اطه كيرده بيوك اطه جاده سنده
بانچو نام ديكرى باغچه اسكله سنده كاڻ اطراف اربعه سى
شرنجى القومنز و باغچه سى وبالقجى اسپرو باغچه سى
وبالقجى ديمتراكى منزل و پروانه ميقو باغچه سى وميناط
اوغلنك خراب منزلى وزوئجه ولوجيقه منزلى وديكر
ميناط اوغلى طودورينك بقال دكانى وطريق خاص
وساحل بحر ايله محدود طقوز يوز ذراع ريختم اوزرنده
مبنى بش نومرولى بر باب كوشك مع عرصه ايله سكر
نومرولى التى بيك التى يوز ذراع باغچه عرصه سنده كي
اونبر حصه اعتباريله ايكنى سهم حصه شايه لرى بوندن
اقدام بالمزايده ليراي عثمانى يوز غروش حسابيله طالبي
عهده سنده طقوز بيك يوز غروشده تقرر ايدوب
موقت قراردادده سى كشيده قلمش وتاريخ اعلاندن
اعتباراً اوتوز بركون ختامنده احاله قطعيه نك اجراسى
مقرر بولنش اولديغندن مدت مذ كوره ظرفنده يوزده
بش ضميله پى سورمك اوزره طالب اولنلرك ويا بوندن
زياده معلومات آلىق ايستيانلرك قرتال بدايت محكمه سى
اجرا دائره سنه مراجعت ايللىرى اعلان اولنور .